

الرشاد

س ٦ ١ ٣ ٣ ٠

والله يهدي من يشاء الى صراط مستقيم ديني ، علمي ، ادبي ، سياسي هفتة لى مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ١-٨

٤ شعبان ١٣٣٠ پنجشنبه ٥ تموز ١٣٢٨

عدد ٢٠-٢٠٢

مَقَاتِلَات

نَسَائُونَدَن جَوَاد سَامِی بَکَ آچِیقْ جَوَاب

— مَابَعَد —

دیورسکز، که: «قادیلرک الی، یوزینی ستر ایتامسنه حتی حاکم اوله بیلیمسنه دین مبین اسلام جواز ویرمش ایکن قادیلریمزه شریعت اسلامیه نیک بخش ایلدیکی و بر طاقم اعتیادات قدیمه نیک نذر [دوغروسی: تزع] ایلدیکی حقوقی استردادده اوغراشانلره میسیونهر شا کردی دین دشمنی دیمکه فصل دیلکیز وارییور؟» عفو ایدرسکز بک افندی اما مکتوبکزی تشکیل ایدن فقره لر تناقضده یکدیگریله رقابت ایدیور. بو، مکتوب دکل عادتاً بر مجموعه تناقض!

آجانب! برقچ سطر اول میسیونهر شا کردلرندن تبری ایدن سز دکلیمسکز؟ مادام، که صلابت دینییه صاحبی بر مؤمن تام الاعتقادسکز نیچین قوشقولانیور، نهدن سوزی اوزریکزه آلیه رسکز؟ هم بن مقاله مده اسم تصریح ایتدیم؟ یوق، مرادیکز اونلری مدافعه ایسه - که بو آشکاردر - تبریکر معناسز قالمازی؟ یا صوکر او آغیز دولوسی «الحمد لله مسلمانم و صلابت دینییم یرنده در» دعواسنی نه یالیم؟ فرض ایدلم، که تبری ایتیمورسکز فقط تورکلکدن نفرت، اسلامیتدن مبادعت ایدن کیمسه لره نه نام ویریلیر؟ بو کیلره فصل مسلمان دینیله بیلیر؟ دینلیدیکی تقدیرده اسلامیتله، شریعت مقدسه منزله - حاشا! - استخفاف واستهزا ایدیلش اولمازی؟

اگر اسلامیت، مجرد بر اسم بی معنا ایله اولسه غیر مسلملر ایچنده اسلام اسمی طاشیان برچوق کیمسه لره اهل ایماندن عد اولونملری لازم کلزمی؟

غازی (میخال) بک مرحوم اسمنی دکیشدیر مکه بکده لزوم کورمه مش. یالکیز قلباً و روحاً حقیقی بر مؤمن تام الاعتقاد اولمقله اکتفا ایتمش. غازی سلطان عثمان حضرتلریله علماسی ده سس چیقارمالمش.

اسلامیت؟ اسمده دکل مسما در. اسم؟ تعیین هویت ایچین - معناسندن مجرد - بر علمدر.

دینی ایما ایلدور اما، که محی الدین ادی
مغرب الدین اولسه احرا در براق شو مفسدی

شمدی بو اوزون طیرناقلی موسیولرک، بو بودرالی شیق قونتلرک دین جلیل توحید نامنه نسوان اسلامک مدافع حقوقی کچیمه لری؛ مطبوعات ستونلری اوزریده اوروپا فیلوزوفلرینک دساتیر فلسفیه لریله احتیاجه قالدیمه لری جامع ایچنده آیین یا خودکلیسه عبادته بکزه میورمی؟ دلیری بیله ساعتیجه کولدوره جک جنت مدنیت!

نسوان اسلامک حقوق مشروعه لرینی آرامق آنجق ئوز مسلمانلرک حقیقی مؤمنلرک وظیفه سیدر. فقط - انصاف ایدیکز انصاف ..! -

شمدی وطنک کچیرمکده اولدینی شو بجرانی، شوکدر انکیز دقیقه لر حقوق نسوانی آرامق زمانیدر؟

برطرفی آتش صارمش، جهات سائره سندن ده آتشنه رک خاکستره چوریلک تهله کسنده قالمش اولان برخانه ایچنده کیلر عائله حقوقیه، موقع شان و شرف تأمینیه می اوغراشیلر؛ یوقسه ال برلکی، جان برلکیله آتشی سوندورمکه می چالیشیلر؟ وطن دردینی، حیات ناموس، ناموس دینی و ملی اندیشه سنی ینسه ئوز مؤمنلر چکرلر. وطنک یاره لرینی کندی کوزیا شلریله، دامارلرنده جولان ایدن خون حیثیلریله بیقامغه آنجق اونلر قوشارلر.

بو (نوتربیه ن آمه) لره کلنجه اونلرک فرانسز قلیلری، انکیز کولکلری، المان یورکلری اولیه وطن اسلام دردینی چکمکدن، ناموس دینی و ملی اندیشه سیله تیتزمکدن شرق و غرب آراسی قدار اوزاق! نه لرینه لازم! اونلره واری تیارولر! اونلره واری بالولر! اونلره واری ماداملریله، مادموازلریله دانسلر! والسلر! اونلره واری وور باتلا سین چال اویناسیلر! اونلره واری خرسیتیانلنی تقدیساً طیرناق اوزاتمقلر! یوزلرینه بودرا سوروب بیقلی مادام اولمقله افتخارلر!

بونلرک مقصدی میدان وضوحده: قادیلری قرون اولی چوا - لارندن او وحشی خرارلردن چیقارمق! ذاتاً عدمی وجودندن بیک قات اهن اولان اومستکه، اوایکرنج، او عصمت شکن تستری؟! ده ماداملرندن مادموازلرلردن چکوب آتقی، بو ملوث، بوفحش آلود مدنیتی حقوق و موقع نسوان نامنه جبراً و قهر آ بوتون مخدرات اسلامیه به تشمیل ایتک! طرابلس غریبه، آطه لرده بد بخت نسوان مسلمانک بچه لرینی، چارشافلرینی بیرتوب عریان برافقده اولان اعدای دینه نظیره یایمق! او حالده ایتالیانلری نهدن تلغین ایدیور، نیچین جریده - لریمزله «وحشی ایتالیانلر قادیلریمزک بچه لرینی، چارشافلرینی بیرتوب آتیلرلر!» دییه باغیرییوریز؟

ایشته اصل تلغینه - بوتون شمول معناسیله - البق ایتالیانلر ایچمزه! جناب قرآن حکیم قادیلریمزک اللرینی، یوزلرینی تستردن استتیا ایتیمور. ولی النعمت اسلامیت و انسانیتیمز (علیه الصلاة والسلام) افندیمز حضرتلری کرچه تخصیص و استتیا بو بورمشلر فقط بوده آنجق نماز حالته منحصر. تسترک حکمت تشریعی پیش نظر تأمله آلام. تستردن مقصد: قادیلرک حریتینی، ناموس و عصمتی، شرف و حیثیتینی انظار اغیاردن، تجاوز اشرا دردن محافظه دکل؛ کوزلک، چیرکینلک قادیلرک نره سنده تجلی ایدر؟ کوروجیلر، الدن، آیاقدن، بویدن حاصلی: هر شیدن اول سیمایه باقارلر دکل؛ چهره کوزلسه اولدی بتدی. حتی بعض بک کوزل سیما بولونیر، که سیسقه، چلیمسز، تناسبدن محروم بر وجود اونک سایه سنده بختیار ایلور. سیما چیرکین اولدیمی کوروجیلر فهوه ایحمکه بیله لزوم کورمزلر. ایسترسه اک مناسب اک شوخ قد بر وجود اولسون!

قادیلنگک بوتون معنای جاذبه داری ، بوتون مدلول فتنه انگیزی سیم اوزرنده تیرر . کوزلک دینیلن صیاد روح شکاری قاشله کوز آراسنده آولار .

الماس ، آلتون وامثالی جانسز اجار ومعدنیات مجرد زینت نامنه قادیلنگک اوزرنده بولوندینی ایچین ستری فرض اولسونده قادیلنگک بوتون معنای دل آشوبی اولان یوزک ، اولوچه فسونکارک ستری نهدن فرض اولسین ؟ یوز آچیلدقدن صوکر وارسین او الماسلر ، اوالتونلرده کورونسون !! یوز آچیق ایکن الماسلره ، آلتونلره کیم باقار ؟ اک چیرکین برقادین ایسترسه الماسلره غرق اولسون ینه کندی بکندیره مر . قادیلنگک تیزین وتجملی کندیلرینی ارککلره بکندیرمک روحلرینی قایمقدن باشقانه ایچین در ؟ کندی بیلن عقلی باشنده ناموسلی هیچ بر مسلمان قادینی تصور اولونه ماز ، که زوجک حق مشروعی اولان بوتیزین وتجملی ، بواحتشام نسویه بی نامحرملره کوسترمک ، فتنه لر ، فسادلر اویاندیرمق ایچین سواقلره دوشسون ، خلاصه بک افندی یوز تستری فرض اولان اعضانک برنجیسیدر . بوحقیقت بدیهیدر . تکرار ایدرم : یوز آچیق اولدقدن صوکر صبرتنده کی چارشافک هیچ بر حکمی قالماز . او ، غیرمتستره دیمکدر . فرض ایدیکز که عادتاً متستره ایمش . بزم دینیز ، عادت دکل ، عین حقیقت ، محض حکمتدر .

کچن سنه ینه بوحقیقه لر اوزرنده تستر نسوان نامنه یازدیغم مفصل بر مقاله ده بوحقیقتلری ، بوحکمتلری ذکر ایتشدم . او مقاله بی ایسترسه کر کوروکز . قادیلنگک والدهلک چاغنی کچیردیکندن ، یوزی بوروشوب صاچلری آغاردقدن صوکر چارشافنی آتمه ماذون اولدینی ، مع مافیه تستر ینه خیرلی اوله جغنی آیه جلیله ایل اثبات ایتشدم . قادیلنگک ؛ کنجلیکنده ، والدهلک دمنده تسترله مأمور اولسی ، آلتشنی کچدیکدن صوکر اوندن آزاده قالمسی نه بویوک بر حکمتدر . مراد الهی مؤمنلرک انسانجه حقیقی بز جان مدنیت ایچنده یاشامه لریدر . قادیلنگک حاکم اوله بیلملری آیریجه بر بحث تشکیل ایده جک قادار اوزوندرد . بناء علیه بونی جوابمک اوچنجی قسمنه تعلیقه مجبور اولدم .

محمد فخرالدین

نتیجہ

ملاحظات متنوعه

جهان دیده بعض اعضا طرفندن ایدیلن تلقینات رفاقتکاری ایله برابر مرض خطابتک ینه آز چوق حکمنی سوردیکی آکلاشلمقده در . کندی حریت مشروعه سنک قدرینی بیلن بشقه لرینک حریت مشروعه سنه تعریض ایتمکی ، خال کتورمکی خاطرندن بیله کچورمز . بزده کیمسه نک مشروع صورتده وقوع بولان حریت کلامنه - حتی فعلاً مقدر بیله اولسه ق - ایلشیمکی خاطر مزه کتورمز . فقط کلامک مجلسک هیئت عمومیه سنجه تذکر اولنان کافه مواد حقنده کرسی خطابه چیقوبده لاف آتمق صورتنده استعمالنده بر اصابت کورمه میز . بیلیم که طشره ده کی دوائر انتخابیه کندی مبعوثلرندن ایش چیقارمغه یاردمدن زیاده لاف چیقارمغه چالیشمقی بکلیرلر . مجلس مبعوثانده اک زیاده صرف مساعی اولنه جق یر ، هیئت عمومیه صالونی اولیوب انجمن اوطه لری بولندینی معلومدر . فقط بر انجمن فعالیت وسرعت معامله یه نه قدر همت ایدرسه ایتسون چیقارمغه جفی ایشلرک هر ماده سی حتی هر نقطه سی هیئت عمومیه خطابتلری سبیلله دوچار تعویق اولور ، طاقیلوب قالدورسه انجمنلرک فعالیت سریمه سندن منتظر اولان قائده عملیه دخی حکمدن دوشر .

بر انجمنک مذاکره سی اوانجمنده اعضا اولیان مبعوثلر ایچون دخی آچیق بولندینی اصولنه نظراً عجبا هیئت عمومیه نک بر چوق قیمتدار ساعتلرینی اشغال ایدن ملاحظات خطیبانه نک بر قسمی ده انجمنلره کیدیلرک صرف اولنسه مملکت ایچون ده خیرلی اولمازی ؟ هله بر انجمنک اعضاسندن بولنوبده اوانجمنک کافه مذاکراتنده حاضر بولمیان وفقط انجمنک چیقاردینی ایش هیئت عمومیه یه کلنجه دهان تنقیدی آجان مبعوثلری نصل معذور کورملی بیلیم . عجبا هیئت عمومیه ده حاضر بولنان غزته مخبرلری انجمنلره ده دعوت اولنسه ده منسوب اولدقلری غزته لره « فلان یرک مبعوث محترمی فلان انجمنده شویله سویلدی ، بویله ملاحظاتده بولسیدی » دیه یازسه لر هیئت عمومیه ده اجرای حکم ایدن مرض خطابه بر چاره تشکیل ایدرمی ! یالکز مجلس مبعوثانمدره دکل کافه مجالسمزده دخی نظریاته پک زیاده طالمق احتمالی واردر . بوتون مجالسمزده اهل خبره دن اولیلر بیله رفیقلرینی محتاج ایقاظ وتعلیم می فرض ایدرلر ، ندر ، تطویل کیریشورلر . بزده دلائلی منقح صورتده ترتیب وسؤال ویاجوابی وضوع اوزره تقصیر ایلک قدرتی مع التأسف پک آزدر . هله رأیمزده اقلیتده قالنجه کوستردیکمز خشونت حال وقال قولایجه معذور کوریلور قصورلرمزدن دکلدر . کندی فکر مزک علویت وتفوقه نه قدرده قائلز ! حسیاتمزه نه قدرده مغلوب آدملر ایمشز !

§

یاسی ، یاسی ، خشنودسنزلق ، هر کسده وهر یرده خشنودسنزلق ! یاسی مسعودیت دینیلن شیئی بولق هر کسک کندی النده اولدینی ادعا ایدن اجانب کلوبده حالمزه دقت ایتسه لر کیم بیلور بو مملکت خلقنی نه قدر عجز ومسکنتله اتهام ایدرلردی . استحقاقنک

مجلس مبعوثانده یکی مبعوثانندن بکلنیلن مسلاک فعالیت حقنده کی حسیات علام بیلیم که ایلرسی ایچون هنوز امید ویره جک قدر کثرتلیمیدر . مجلس حاضرک دورت سنه لک عمر تشریفنی آتام ایده بیلیم ایچون سوزدن زیاده ایش چیقارمسی لازم کلور . بویابده